

INUIT ATAQATIGIIT

INATSISARTUNI



Nuuk 25. juni 2024

Inatsisartut suleriaasianni § 37 imm. 1 naapertorlugu Naalakkersuisunut imaattunik apeqquteqarpunga:

- 1. Savalimmiuni umiarsuit naalagaattut ilinniarfimmu assingusumik nunatsinni umiarsuit naalagaattut ilinniarsinnaanermik Naalakkersuisut pilersaaruteqarnerpat?**
- 2. Savalimmiuni umiarsuit naalagaattut ilinniarfimmu assingusumik nunatsinni umiarsuit naalagaattut ilinniarsinnaanermik pilersitsoqassagaluarpat tamanna nunatta karsianut qanoq naleqarsinnaanersoq Naalakkersuisut naatsorsorsinnaanerpaat?**
- 3. Naalakkersuisut allamik oqaasissaqarnerpat?**

(Peter Olsen Inatsisartuni ilaasortaq, Inuit Ataqatigiit)

Tunngavilersuut:

Nunatsinni inuussutissarsiutitsinni pingaarnepaavoq aalisarneq. Aalisarneq uagut nammineerluta sukkut tamatigut peqataaffiginerulertariaqarparput.

Ajoraluartumilli maani nunatsinni umiarsuarnut naalaganngorniarnissaaneq periarfissaanngilaq. Nunatsinni imarsiornikkut ilinniarfiusinnaasoq qaffasinnerpaaq tassaavoq fiskeskipper 1.grad. Umiarsuarnullu naalaganngorniarsinnaaneq fiskeskipper 1.grad-miit qaffasinneruvoq. Tamanna ersersinneqarpoq upernaakkut ataatsimiinnermi 2019-mi apeqquteqaat aallaavigalugu oqallisissiarisimasaani uani: UPA2019 imm. 225-mi.

Tassani ilaatigut paasinarsivoq kilisaatini anginerni naalagaasoq amerlanertigut umiarsuit naalagaattut ilinniarsimasuusartoq.

Akissuteqaammi ilaatigut ima allassimasoqarpoq:

“Uanilu umiarsuit naalagaattut maskinmesteritullu ilinniamerit Nunatsinni neqeroorutaannginnerat malugeqquneqarpoq. Umiarsuit naalagaattut ilinniarneq fiskeskipperit 1. gradimik ilinniarnep qummut tulleraa. Kilisaatini anginerni umiarsuarmi naalagaasoq amerlanertigut umiarsuit naalagaattut ilinniarsimasuusarpoq.”

Tamanna pillugu isumaqarpunga piffissanngortoq nunatsinni umiarsuit naalagaattut ilinniarsinnaanep periarfissalersinneqarnissaa.

Kissaatigaaralu apeqqutima ullut qulit iluanni akineqassasoq.